

Մանյա Ղազարյան

ՀԱՆՈՒ ՀՈՎՆԱԹԱՆՅԱՆԻ ՆՈՐԱՀԱՅՏ ԱՇԽԱՏԱՆՔԸ

Անվանի նկարիչ Հակոբ Հովնաթանյանի մասին գրավոր աղբյուրները բավականին սուղ են: Դրանցից մեկը, որը կրում է «Ի՞նչ է կատարվում Թիֆլիսում» խորագիրը¹, նկարչի կենդանության օրոք դրված միակ հոգվածն է, որտեղ բնորոշվում է Հակոբ Հովնաթանյանի դերը Թիֆլիսի գեղարվեստական կյանքում: Այդ հոգվածում նշվում է նաև, որ նա նկարել է Կովկասի փոխարքա Ե. Ա. Գուլովինի դիմանկարը: Հայտնի է, որ 1840 թ. Ե. Ա. Գուլովինի գեղանկարչական դիմանկարը Հ. Հովնաթանյանն ուղարկել է Պետերբուրգ և Գեղարվեստների ակադեմիայի կողմից արժանացել «դասական նկարչի» կոչման: Վրացական ՍՍՌ արվեստի թանգարանում պահպանվել է Ե. Գուլովինի մի դիմանկարը (կտ. յուղ. 87×64), որի ետևում, շրջանակին, հնուց փակցված թղթի վրա գրված է, թե դա այն աշխատանքն է, որի համար Մկրտում Հովնաթանյանը (պետք է լինի՝ Հակոբ—Մ. Ղ.) Պետերբուրգի գեղարվեստների ակադեմիայից ստացել է «դասական նկարչի» կոչում: Դիմանկարի գեղարվեստական մեկնաբանությունը, նրա կոմպոզիցիոն լուծումը հեռու է դիմանկար ստեղծելու հովնաթանյանական մեկնաբանությունից: Ե. Ա. Գուլովինի մեկ այլ դիմանկարի հանդիպում ենք Մեծ իշխան Նիկոլայ Միխայլովիչի նշանավոր հավաքածուում², որն իր ոճական բոլոր առանձնահատկություններով կապվում է նկարչի մյուս դիմանկարների հետ: Հայտնի է, որ Ե. Ա. Գուլովինի վերոհիշյալ դիմանկարից պատրաստվել է վիմագիր աշխատանք և ուղարկվել Թեհրանի ու Թավրիզի ռուսական միսիաններին՝ այնտեղ վաճառելու նպատակով³: Մինչ այժմ անհայտ էր այդ վիմագիր դիմանկարի տեղը⁴: Սակայն վիմագիր նկարներին նվիրված հետաքրքիր աշխատություններից մեկում⁵ նշված է նաև Հակոբ Հովնաթանյանի այդ աշխատանքի վիմագրության մասին, որը քարի վրա փորագրել է Կ. Ուրիխը (Մ. Վորոնցովի շորս դիմանկաբանները, գեներալ

1 «Иллюстрация», М., 1846, № 20, стр. 320.

2 «Русские портреты», СПб, 1909, т. 3, репродукция № 158. Այս մասին մեզ հայտնի է արվեստարան Ռ. Դրամբյանի: Ե. Գուլովինի դիմանկարը գտնելու ուղղությամբ մեր որոնումներն ապարդյուն անցան: Վերահիշյալ հավաքածուի հետքերին հանդիպում ենք էրմիտաժի արխիվային բաժնում պահպանվող թանգարանային ֆոնդի 1920-ական թթ. գրքերում, որտեղ սակայն այս դիմանկարի մասին ոչինչ չկա:

3 Փաստաթղթերը, որոնք պահպանվում են Վրացական ՍՍՌ պետական կենտրոնական պատմական արխիվի № 11 ֆոնդում, հրապարակել է Մ. Մկրտչյանը, «Տեղեկագրի» 1955 թ. № 3:

4 Այդ վիմագիր դիմանկարին անձանոթ են ևղել վիմագրական և փորագրական դիմանկարների շատ անվանի գիտակ մասնագետներ: Օր. А. В. Морозов, Каталог моего собрания русских гравированных и литографированных портретов, М., 1912; Обольянин, Русские гравюры и литографы, М., 1913; Д. Ровинский, Подробный словарь русских гравированных портретов, СПб, 1886, т. 1.

5 В. Я. Адарюков и П. А. Обольянин, Словарь русских литографированных портретов, М., 1916, т. 1, стр. 245.



Զասի դիմանկարները քարի վրա էր փոխադրել նկարչի եղբայրը՝ Աղաթոնը) և տպագրվել է Պետերբուրգում, նշանավոր Պոլի արվեստանոցում: Գնալով Վ. Ադերյուկովի վիմագիր դիմանկարների հավաքածուի հետքերով, Հակոբ Հովնաթանյանի աշխատանքի մեկ օրինակ հնարավոր եղավ գտնել Մոսկվայի Ա. Պուշկինի անվան հերպարվիստի թանգարանի դրավյուրայի բաժնում (№ 44337):

Ե. Գուլովինը պատկերված է Թիֆլիսի հավիվ ընդգծվող բնանկարի ֆոնի վրա (հավանաբար վիմագրի կողմից կատարված հավելում է), հանդիսավոր համազգեստով: Չինական սպիտակ թղթի վրա հետաքրքիր լուծված է դիմանկարի կառուցման հովնաթանյանական արտահայտիչ ուրվագիծը: Ուշագրավ է, որ այն կատարված է «Русские портреты» գրքում տեղավորված Ե. Գուլովինի դիմանկարից, սակայն, գեղանկարչական աշխատանքին բնորոշ փափկությունը, դեմքի որոշակի արտահայտությունը, այն ամենը, ինչ Հակոբ Հովնաթանյանի դիմանկարներին տալիս է լիրիկական հնչողականություն և հեռու պահում իր ժամանակի մոդայիկ հանդիսավոր դիմանկարներից, վիմագրության մեջ կորել է և բավական հեռացել բնագրից: